



REPUBLIKA E SHQIPËRISË

**KOMISIONERI PËR MBROJTJEN NGA DISKRIMINIMI
KOMISIONERI**

Nr. 1049/1Prot.

Tiranë, më 02.06.2026

V E N D I M

Nr. 150, Datë 02.06.2026

Bazuar në ligjin Nr.10221, datë 04.02.2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi¹,

K O N S T A T O N:

Bazuar në nenin 32, pika 1, gërma “b”, të ligjit nr. 10 221, datë 04.02.2010 “Për Mbrojtjen nga Diskriminimi”, të ndryshuar, Komisioneri ka shqyrtuar ankesën nr.210 regj, datë 12.10.2023, që i përket ankuesit z. B. Ç., (në vijim ankuesi) kundër Bashkisë Kavajë, me pretendimin se është diskriminuar, për shkak të bindjeve politike. Me vendimin nr.26, datë 23.01.2024, Komisioneri ka disponuar në lidhje me çështjen, duke vendosur:

1. Konstatimin e diskriminimit të ankuesit B. Ç., në të drejtën për punësim, për shkak të bindjeve politike, nga ana e Bashkisë Kavajë.
2. Në referim të pikës 1, Bashkia Kavajë të marrë masa për rivendosjen në vend të të drejtës së shkelur duke rikthyer ankuesin B. Ç., në pozicionin e mëparshëm të punës ose në një pozicion të barazvlefshëm me të.
3. Bazuar në nenin 33 pika 11, të ligjit “Për Mbrojtjen nga Diskriminimi”, Bashkia Kavajë, detyrohet që brenda 30 (tridhjetë) ditëve të njoftojë Komisionerin, lidhur me veprimet e ndërmarra për zbatimin e këtij vendimi.
4. Moszbatimi i këtij vendimi sjell si pasojë ndëshkimin me gjobë.

Rezulton e provuar nga lajmërim marrja nr. RR 566 325 598 AA, e shërbimit postar se, Bashkia Kavajë ka marrë dënimin për vendimin në datën 23.01.2024.

Bazuar në nenin 33, pika 11, të Ligjit “Për Mbrojtjen nga Diskriminimi”, të ndryshuar (LMD), përcaktohet se : “11. Nëse komisioneri urdhëron rregullime ose masa, subjekti kundër të cilit është paraqitur ankesa, raporton brenda 30 ditëve para komisionerit në lidhje me veprimet e ndërmarra

¹ Në vijim do t'i referohemi me shkurtesën Komisioneri.

për zbatimin e vendimit. Në rast se subjekti, kundër të cilit është paraqitur ankesa nuk e informon komisionerin ose nuk e zbaton vendimin, komisioneri vendos masë për ndëshikimin me gjobë për subjektin kundër të cilit është paraqitur ankesa. Sanksioni me gjobë shfuqizohet nëse subjekti kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni.”

Në vijim, Komisioneri me shkresën nr. 886 prot., datë 06.05.2026, iu drejtua Gjykatës Administrative të Shkallës së Parë Tiranë, duke kërkuar informacion nëse pranë saj është regjistruar ankim për kundërshtimin e vendimit nr.26, datë 23.01.2024 të tij. Përmes shkresës Nr. 9691/1² prot., datë 08.05.2026, Gjykata Administrative e Shkallës së Parë Tiranë, informoi Komisionerin se nuk rezultonte të ishte paraqitur kërkesë padi sa i përket objektit të kërkesës sipërcituar.

Sa më sipër, rezultoi e provuar se, Bashkia Kavajë, në cilësinë e subjektit të gjetur përgjegjës për sjelljen diskriminuese, nuk ka marrë masa për zbatimin e vendimit nr.26, datë 23.01.2024, të Komisionerit. Në këtë mënyrë, Bashkia Kavajë, nuk ka përmbushur detyrimin ligjor të parashikuar nga neni 33, pika 11, të ligjit nr.10221/2010 “Për Mbrojtjen nga Diskriminimi”, të ndryshuar. Ky mosveprim, kjo mospërmbushje e këtij detyrimi ligjor, në bazë të nenit 33, pika 13, të ligjit të sipërpërmendur, shoqërohet me marrjen e masave administrative, gjobë. Për personat juridik, siç është në rastin konkret Bashkia Kavajë, ky nen përcakton shkrehimisht: “Çdo person që shkel dispozitat e këtij ligji dënohet me gjobë si më poshtë”:..... b) personi juridik nga **60.000 deri në 600.000 lekë;.....**”

Për sa më sipër, Komisioneri për Mbrojtjen nga Diskriminimi arrin në konkluzionin se, Bashkia Kavajë është në shkelje të detyrimit ligjor të përcaktuar në nenin 33, pika 11, të Ligjit nr.10221/2010 “Për Mbrojtjen nga Diskriminimi”, të ndryshuar, shkelje e cila sipas nenit 33, pika 13, të po këtij ligji, është e dënueshme me gjobë.

Në lidhje me masën e gjobës, Komisioneri mban në konsideratë parashikimet dhe kriteret e vendosura në nenin 33, pika 12, të Ligjit nr.10221/2010 “Për Mbrojtjen nga Diskriminimi”, të ndryshuar, ku sanksionohet se: “12. Kur vendos masën, komisioneri siguron që ajo të jetë: a) e efektshme dhe parandaluese; dhe b) në përpjesëtim me gjendjen që e shkaktoi vendosjen e masës. Nëse vendoset gjobë, komisioneri përcakton shumën e gjobës duke marrë parasysh: i) natyrën dhe fushën e veprimit të shkeljes dhe ndikimin mbi viktimën; dhe ii) rrethanat personale e financiare të shkelësit, veçanërisht duke marrë në konsideratë të gjitha burimet e të ardhurave dhe nëse shkelja kryhet nga një person juridik privat, merren parasysh aktivet e bilancit dhe fitimi, si dhe pagat totale të paguara punonjësve; c) nëse e njëjta shkelje diskriminon disa persona, vendoset vetëm një gjobë, por duke marrë parasysh kërkesat e shkronjës “b” të këtij neni.”

Duke mbajtur në konsideratë kriteret e mësipërme për përcaktimin e masës së gjobës dhe bazuar në, faktin që nga ana e Bashkisë Kavajë nuk është kthyer dhe nuk ka qënë bashkëpunuese dhe korrekte gjatë

² Administruar pranë institucionit të Komisionerit nr.886/1 prot., datë 19.05.2026.

trajtimin të kësaj çështje, Komisioneri, arrin në përfundimin se, Bashkia Kavajë, duhet të gjobitet me 100 000 (njëqind mijë) lekë, për moszbatimin e vendimit nr. 26, datë 23.01.2024.

PËR KËTO ARSYE:

Bazuar në nenin 32, pika 1, gërma “ç”, nenin 33, pika 11, 12 dhe 13, germa “b”, si dhe nenin 33/1 të Ligjit nr. 10221, datë 04.02.2010 “*Për Mbrojtjen nga Diskriminimi*”, të ndryshuar, Komisioneri për Mbrojtjen nga Diskriminimi,

V E N D O S I :

1. Bashkia Kavajë³, të gjobitet në vlerën 100 000 (njëqind mijë) lekë, për moszbatimin e vendimit nr. 26, datë 23.01.2024, të Komisionerit për Mbrojtjen nga Diskriminimi.
2. Gjoha të paguhet në Buxhetin e Shtetit brenda 45 (dyzetë e pesë) ditëve nga marrja dijani.
3. Pagesa e gjobës të bëhet pranë çdo banke në llogarinë e thesarit Tiranë, për llogari të: Komisioneri për Mbrojtjen nga Diskriminimi, NIPT: L02027451K, Kodi: 1091001, Entiteti i Qeverisjes: 001, Distrikti (TDO) 3535, Llogaria ekonomike: 7115499.
4. Zbatimi i vendimit nr. 26, datë 23.02.2024, i Komisionerit për Mbrojtjen nga Diskriminimi brenda 7 (shtatë) ditëve nga marrja dijani e këtij vendimi, sjell shfuqizimin e gjobës.
5. Kundër këtij vendimi lejohet ankimi në Gjykatën Administrative të Shkallës së Parë Tiranë, brenda 45 ditëve nga marrja dijani.

KOMISIONER

GENTA TAFA (BUNGO)

³ Me NIPT: K54105075C